



831013

附 寄孫鍾元傳青王兩先生書

前渡河過衛輝見孫先生過太行見傅先生

私幸海內孤桐碩果並獲親承提誨快慰平

生迄聆考論分晰東林逆黨諸事誠見之確

斷之明足爲千秋定論不肖小子向讀先子

啟禎兩朝剝復錄稍知明季遺事此書攸關

朝野直書不隱昔罹兵燹散失聞歸德侯督

撫會錄副本家藏堅三走中州訪茲遺稿於

荆駢逸史 劉復錄

侯仲衡先輩家始得之惜零落不全蒙兩先

生下索數番知護惜人文留心家國敢不奉

教適全曲沃李仲木客大梁特錄稿囑其代

寄幸存爲他日之信史不則效心史沉鐵函

於井底耳乙巳秋九月孟堅寄於杞縣

啟禎兩朝剝復錄卷上

貴池吳應箕纂

天啟四年

甲子

先叙降削後叙陸用凡書降削者多與瑞忤陞用者皆附瑞者也在天啟時亦有附而遭斥者可考事而知也在崇禎時亦有附而倖免者亦可考事而知也武臣及內臣不書以不足

荆駝逸史

劉復錄上

書也

六月

都察院左副都御史楊漣劾魏忠賢二十四大罪時舉朝交章論劾內閣俱有公揭雖蒙旨切責然外廷多正人忠賢亦懼甚未敢遽肆也要之此爲消長之大機矣

工部屯田司郎中萬燦廷杖革職燦以杖死時燦有陵工費用甚繁權璫造意故遲一

疏得旨陵工費用浩繁內庫廢銅有幾局  
中何人見知萬燥輕信奏請前旨已明今  
又來借事瀆擾陷朕不孝且皇子薨逝便  
來瀆聒好生狂悖無禮着錦衣衛挈來午  
大門前杖一百革了職爲民永不叙用其前  
後發過帑金并太僕寺助工銀共八十二  
萬此外用過銀錢各若干着查明開數具  
奏該衙門知道○此逆璫肆虐縉紳之始

荆馳逸史

剝復錄上

一一一

也蓋前之怒楊漣者實借此雪之以覘外  
廷云

七月

大學士葉向高回籍

先是楊漣劾二十四大罪疏出向高難之  
向高知璫怒不可犯意在調護以免縉紳  
之禍後因御史林汝翥以杖內臣脫逃致  
諸闕疑其匿葉所也圍其第而噪之於是

決志去自向高去而諸君子相繼簞隕矣  
野臣曰應山六月三日之疏何減逆  
瑾時之洪洞乎福清以三世元臣使  
持而爭之闔岌岌故無洛陽之痛  
哭而事有跡於長沙之委蛇於是來  
當時君子之反唇無怪也雖然福清  
度其時能去闔乎不能而智籠之未  
爲非計計不就而去去而禍作遂如  
汗之不可反論者於是又謂福清在  
當不至是嗚呼其至是者天也雖福  
清如之何哉

荆駝逸史

劉復錄上

二一

刑科給事中傅樾與御史房可壯辨訐  
樾發難端糾汪文言以及左光斗魏大中  
而房可壯糾樾通內謂其認東廠傳繼教  
爲兄於是樾疏辨訐謂大中攘奪阮大鍼  
吏科都給事之缺給事甄淑沈惟炳等謂

大中竄由序轉原非巧奪槐亦再三揭辨  
然是時槐已丁艱一月矣猶住長安屢疏  
不去爲士論所鄙○此外廷附內之始縉  
紳之禍以是爲伏戎矣

十月

閣臣魏廣微失儀被糾

廣微以認宗通內自稱爲姪遂怙勢偃蹇  
魯初一日頒歷不到又廟享行禮來遲於

荆駢逸史

劄復錄上

四

是諸給事御史魏大中許譽卿李應昇等  
合糾之廣微因益走內思得而甘心焉蓋  
先是忠賢雖橫猶憚外廷也自廣微合而  
闕遂借外廷以攻外焚原之勢於是乎不  
可復彌矣

河南道御史崔呈秀被提具辨

呈秀巡鹽貪污都御史高攀龍因其回道  
考察卽疏劾提問呈秀具疏辨有旨從公

勘奏趙南星題覆勘明照祝大舟例問遣  
呈秀窘青衣小帽亟走忠賢所請命時忠  
賢爲楊漣所叅欲借外廷以傾善類遂首  
畜呈秀爲義子後因李恒茂薦起用

野臣曰闔難之作也釁挑於傅櫬局  
發於廣微而禍連於呈秀論者謂急  
而走險諸君子實與有責焉若然則  
失儀可弗糾貪污可無問乎夫梁谿

林居數十載甫莅任卽提問呈秀肅  
官箴而存風憲非梁谿無是也且以  
貪鄙兇惡之呈秀卽微當日之劾而  
其人能自靖乎梁谿特不幸以身罹  
禍迨觀丙丁以後事然後知梁谿若  
有先識而當時猶賴有此提問之快  
舉耳吾獨怪論者不察往往以責備

賢者之過至借逆辭而助之攻也悲

夫

吏科都給事中魏大中吏部文選司員外夏  
嘉遇降調

以會推山西巡撫謝應祥事也○應祥素  
有清望冢宰趙南星知之因推晉撫有御  
史陳九疇者廣徵親也廣徵素憾南星藐  
已又以失儀被糾恨大中等於是嗾九疇  
論應祥之推爲師生報德蓋以應祥曾令

荆駢逸史

劉復錄上

六一

大中之邑故也又論應祥圖謀節鉞於是  
大中疏辨夏嘉遇亦疏辨會推本末爭執  
不已有旨大中欺朕冲幼把持會推以朝  
廷封疆爲師生報德夏嘉遇陳九疇奏揭  
紛囂成何政體各降三級調外任你每部  
院大臣奉旨着議何必含糊偏比委曲調  
停以後還着遵奉新諭一體申飭如有仍  
蹈前轍朋謀結黨淆亂國是的一併重處

吏部尙書趙南星左都御史高攀龍回籍以  
會勘九疇事奉有朋謀結黨之旨於是攀  
龍以失職請南星以年老辭俱奉旨切責  
回籍內閣揭稱秉銓總憲俱係大臣請准  
馳驛不聽○南星爲魏廣微父執見廣微  
誣附忠賢嘗歎曰見泉無兒見泉者魏允  
貞字也廣微嘗於廣座中詆李三才南星  
曰李公爲尊公執友後輩何敢爾故廣微  
啣之一日廣微過南星拒不禮廣微曰吾  
官尊未可麾也於是與其黨謀因推晉撫  
事發難蓋借爲一綱之計云

吏科給事中沈惟炳降調

以申救魏大中趙南星也疏曰部堂據事  
處分乃曰朋謀結黨黨之一字小人所以  
禍人國也有旨責其說黨字妄生猜疑降

一級調外用

吏部考功司郎中鄒維璉回籍

維璉自求罷斥也初南星從鄭三俊識維璉才品故自他部調用同鄉以不與聞遂有隙章允儒陳良訓具疏相攻因起元黃之端傳檄乘而操戈於是禍始成而至是不可救矣或曰維璉欲以知府轉章陳故爲所不容云

吏科給事中許譽卿降調

荆駢逸史

劉復錄上

八

以會救趙南星高攀龍也

十一月

吏部左侍郎陳于庭都察院左副都御史楊漣左僉都御史左光斗劄奪

以會推冢宰事也推者爲喬允升馮從吾汪應蛟有旨吏部都察院混淆已久何乃此次會推仍是趙南星擬用私人顯是陳于廷楊漣左光斗箝制衆正抗旨徇情又

會推職各都察院不全列楊漣既承諭旨  
佯爲不知註籍躲閃又前與高攀龍等會  
勘陳九疇事黨比不公了不引咎公然欺  
朕冲勿真老奸巨猾頑鈍無耻袁化中亦  
不無扶同情弊陳于廷楊漣左光斗俱恣  
肆欺瞞大不敬無人臣禮都着革了職爲  
民仍追奪楊漣左光斗誥命

吏部文選司郎中張光前掌河南道御史袁

荆駮逸史

劉復錄上

九

化中降調

以會推冢宰事引罪有旨光前降三級化  
中降一級俱調外任用時魏炤乘爲都科  
獨無恙

御史房可壯降調

以與聞會推事引罪有旨降三級調外任  
用

戶科給事中陶崇道降調

以條陳引漢唐黨禍且有戒旁蹊等語也  
降二級調外任用

戶科陳良訓降調

疏會推請遵祖制有旨責其瀆擾降三級  
調外任用

登州府同知翟棟扭解來京究問

以毛文龍叅之也此爲逮問之始

大學士韓爌回籍

荆駮逸史

劉復錄上

十一

初楊漣參忠賢二十四大罪朝臣遂羣起  
攻擊忠賢懼懇爌曰非公不能輯衆幸留  
意爌曰我不能孽自爾作爾自解之忠賢  
怒旣得志謀逐爌假以票擬不當降諭切  
責爌遂上疏引罪求斥畧曰臣以謏劣備  
員中書詰戎宜先營衛而觀兵肘腋無能  
舒宵旰之憂忠直尙稽召還而榜掠朝堂  
無能回雷霆之怒以至後先多官之斥諭

旨中出之變在聖明祗肅紀綱而中外懼  
興黨禍臣既不能先時深念有調劑之方  
又不能臨事挺持爲封還之懇此皆罪狀  
之大且著者請亟褫臣官云云疏入忠賢  
益惡之遂傳上旨曰卿親承顧命當矢忠  
盡節乃歸非於上退有後言今復悻悻求  
去着馳驛回籍內閣上疏請如故事稍加  
禮貌無失待大臣禮不聽嬪陞辭疏亦懇

荆駢逸史

剝復錄上

十一

切後竟削奪捕家奴究賍禍幾不測云

戶部侍郎李邦華回籍

行邊閣臣孫承宗揭稱臣奉違天顏三年  
當此普天嵩呼之日不勝瞻戀今闕歷薊  
邊去京數十里擬於十二日入都門十三  
日早朝十四日與同官恭賀萬壽另日面  
奏機宜與文武商確可否事畢回旋嫉者

曰此晉陽之舉李邦華召之也忠賢使人

急奏曰承宗已離榆關帶甲五千內外合謀欲清君側上大懼至郤行急傳兵部曰督師輔臣既膺重任未奉明旨親歷薊邊且以朕壽節爲名欲入京隨班申賀擅離汎地非祖宗法度所容倘中途有意外之變關門有倉卒之虞相機調度將誰屬乎兵部卽速馬上差人傳諭樞輔馬首卽東真有秘計何妨便宜封進朕志以滅□爲

荆駮逸史

剝復錄上

十一

期必不從中牽制承宗懼卽日東歸邦華知不免遂以親老有疾求歸允之○時御史李蕃有樞輔舉動可駭一疏引自古擁兵閫外恐嚇朝廷如王敦李懷光去來自如不遵朝命又謂樞輔此來人實召之云云

起陞徐大化孫杰等官

因御史呂鵬雲例轉告病有旨近來例轉

考察在籍各官多有爲人排斥的好生不公呂鵬雲不准告病并徐大化孫杰着都陞京堂用給事中霍維華王志道郭興治御史徐景濂賈繼春楊維垣俱着起復原官催來到任

野臣曰大化殺人毒手通天老猾楊維垣諸疏皆其主筆維華維垣擾亂乾坤後瑞敗復借題護局最爲奸人

荆駢逸史

劉復錄上

十三

之雄

大學士朱國楨回籍

國楨著湧幢小品內叙張差事云坐以風癩而止浙人以爲別調時因李蕃叅論引疾允之忠賢語人曰此老頭兒也是邪人然却不作惡事故較諸夫相恩禮獨優云

原任吏部郎中鄒維璉員外夏嘉遇主事程國祥御史王允成俱削秩

張訥誣讎趙南星參其十罪內連允成等有旨舊銓臣罪狀欺天罔人深可痛恨其引用私黨匪人着張訥逐一指名回奏南御史王允成無端突改北道憲綱何在鄒維璉夏嘉遇程國祥調部亦壞成規俱着爲民當差有司不得情庇

保定巡撫程正已回籍

正已掌癸亥察時示詩教趙興邦官應震

刑駮逸史

剝復錄上

古

吳嗣亮號四凶俱處以不謹吏都魏應嘉爭之不聽至是盡翻察典正已因爲所逐應天巡撫周起元削奪

以參屬官朱童蒙也初童蒙以講學劾鄒元標等例轉爲蘇松道在任多不法起元因其以養病得京堂具疏參奏時織監李實以楊妾事屢疏劾起元護庇屬官給事中李魯生復劾之急而巡漕御史喻思恂

又飛書長安言其可殺人甚危之有旨周起元護庇楊姜今又誣論朱童蒙排陷正人姑着爲民仍追奪誥命

刑部尙書喬允升兵部侍郎孫居相回籍左通政涂一榛准養病去

原任典簿許念敬緹騎逮治潘一鳳周卿王鍾龐趙洪陽俱撫按提問史記事李炳恭賀烺丁元薦沈應奎毛士龍俱削秩李邦華吳爾成王元翰俱閒住孫鼎相魏大中施天德俱聽勘張經邦革任閒住

以張訥回奏所參也訥首誣太宰并摧諸正人如拉朽此真逆豎之先鋒矣

戶部侍郎鄭三俊回籍

時有語曰趙高旣放楊在同禡猶存八勁號曰趙錢孫李周吳鄭王指趙健錢春孫

居相李邦華周起元吳仁度鄭三俊王之

案也

翰林院侍讀繆昌期間任

楊漣二十四罪疏或曰繆爲具草故璫啣  
病遂得聞任

十二月

題授中書舍人魏良卿

此逆監授官之始

起陞例轉朱童蒙郭允厚李春燧等官

刑疏逸史

劉復錄上

六

起徐兆魁爲吏部左侍郎

陪兆魁者爲薛貞

崔呈秀回道管事

呈秀提問擬戍禮科李恒茂題京畿虧苦  
兩端事言御史崔呈秀受銀放盜爲假知  
縣石三畏賍私狼籍爲誣有旨呈秀事情  
顯係誣賊不必行勘着回道管事知縣石

三畏暫擬部銜仍候考選其薦至今聽降

御史陳九疇卽准陞京堂用

以李宗延爲都御史

時會推吏部尙書宗延爲首王永光趙彥  
鍾羽正崔景榮周起元王在晉陳道亨奉  
旨景榮起吏部尙書宗延改都御史 宗  
延初任御史以建言請天下賢之晚節潦  
倒遂入璫幕

以喬應甲爲副都御史王紹徽爲僉都御史

荆駮逸史

剝復錄上

七

應甲一月上十三疏皆攻東林而詈淮撫  
李三才者紹徽亦陰驚敢悖公論曾作東  
林點將錄以傾陷善類故其黨推爲盟主  
時陪應甲者爲薛鳳翔陪紹徽者爲朱欽  
相

徐紹吉准遇缺推用

以顧其仁薦之也

楊述中不必行勘卽陞京堂用

述中以大方敗績言官交章論其姤功賣  
友聽勘有疏自陳遂得中旨 述中先已  
加兵部尙書矣又何以京堂爲

以黃克纘爲工部尙書

陪克纘者李養正也克纘附內監劉朝誣  
叅毛士龍實爲乾兒義子作備後逆案處  
分竟得漏網

以周應秋爲南京刑部侍郎

荆駢逸史

劉復錄上

六

陪應秋者徐紹吉也

以郭尙友爲保定巡撫

陪尙友者魏濬也 初尙友賄營山西巡

撫趙南星不用推謝應祥陳九疇攻應祥

而尙友竟得保定蓋以啣南星故俾報復

之耳尙友果與巡按馬逢臯訊南星事備

極慘毒至責其子中書趙清衡甥王鍾龐

二十板幾斃杖下非知府蔡官治推官許

世蓋極力護持趙氏無遺類矣逢臯南星  
例推者也

以張樸爲大同巡撫

陪樸者張修德也樸庸鄙無奇有弟張訥  
首應璫募力詆趙南星等數十人具疏之  
次日卽以節鉞授樸亡故貪婪察處之臬  
臣也

許宏綱唐世濟何喬遠毛堪呂純如錢策張

荆駢逸史

劉復錄上

十九

維樞曾道唯彭宗孟熊化汪慶百王業浩俱  
准次第推用

以陳熙昌薦之也

阮大鍼陳允叢陳爾翼張養素李應薦李嵩  
楊春茂高宏圖王大年張捷馬逢臯俱准卽  
與推用

以李魯生薦之也時陞用多取中旨魯生  
疏稱執中建中旨不從中出而何出哉以

爲逆璫解嘲自此而內批愈無忌矣後張  
錫命亦有疏專薦大鍼

時爲魏忠賢主筆者數人世傳趙鳴陽而  
不知有毛昂霄也毛爲汶上舉人而郭萬  
程曾受業其門當楊左之逮也郭私爲營  
救於內忠賢意亦將釋而傳若星毛昂霄  
力沮之且有放虎自噬之語故諸君子卒  
不免而郭亦懼禍潛逃其一切論旨自內  
出者多毛筆毛竟漏網無論及者 郭又  
言毛寓在外嘗見攜本至外寓示人此何  
世界哉

原任重慶府推官王建泰汾陽知縣張九賢  
俱准陞部屬用

魯生爲朱童蒙劾周起元薦阮大鍼因言  
建泰九賢以無罪被處也

荆駝逸史

劉復錄上

三

天啟五年

乙丑

正月

南京吏部郎中王象春回籍

以陳維新忝之也維新疏薦許宏綱王永光徐紹吉等而劾象春辣手兇鋒狠心虎吻

工部侍郎吳仁度回籍

原任太僕寺少卿起陞左通政劉宗周削奪宗周有辭官疏奉旨劉宗周藐視朝廷矯

荆駢逸史

劉復錄上

三

情厭世好生放恣着革了職爲民當差仍迫奪諾命

原任吏部侍郎曹于汴在籍調理

改書院作忠祠

李魯生先有疏書院改作公廨今又疏書院改作忠祠

禮部侍郎何如寵着冠帶閒任

左都御史喬應甲疏翻京察

言辛亥丁巳京察不公大抵盛詆李三才而稱徐紹吉又欲將江南所刻私記小說下撫按搜求以馬六疋馳進會議成書以付史館其可笑如此

二月

南京兵部尙書陳道亨回籍

簡討丁乾學方逢年顧錫疇吏科郝土膏禮科章允儒兵科董承業戶科熊奮渭主事李

荆駝逸史

劉復錄上

三

繼貞俱降調舉人謝錫賢等俱罰科

以試錄策問觸忌也聖諭朕覽各省試錄有湖廣江西山東福建策問內措語粗狂任情恣肆兼有詆毀朝政譏刺朕躬逞詭譎之詞是非任其顛倒縱雌黃之口誣讟罔所顧忌皆因彼時大臣招權納賄主持於中故各省考官頤指占風附會於外朕

思遼疆未復點省未寧正君臣勵精求治

之時亦士子攜忠吐款之日舍實政而弗  
詢徒究人之是悅壞作人之盛典失祖宗  
之美意好生可恨難以姑容着傳諭吏部  
卽將正副考官八人都降三級調外任用  
聊存解網之仁用作維新之路故諭

巡按山東御史魏光緒降調

以條陳山東然後事宜內薦知縣郭人吉  
也光緒降三級調外任用人吉削籍

荆駝逸史

劉復錄上

三

巡按南贛李成各回籍

以李養正爲刑部尙書

李養正巡按河南有聲迨爲司寇煨煉楊  
左一案得罪公論後戊辰年王永光爲冢  
宰以南刑部起之言官力攻不果用

何熊祥准遇南北大寮缺用申用懋准遇邊

撫缺用

朱一桂陸卿榮王伉秦聚奎汪慶百徐揚先

郭鞏劉廷宣邵輔忠姚宗文范得志俱准原官起用舉人童學賢准會試

以徐大化薦之也疏內并及李魯生所薦阮大鍼等十一人陳熙昌所薦許宏綱等十二人陳維新所薦王永光等六人又爲霍維華孫杰等勸駕

吏部文選司員外孫必顯降調回籍

原任南京吏部尚書余懋衡在籍調理

荆駮逸史

劉復錄上

三函

御史劉廷佐降調

以申救考官舉人也有旨責其爲黨

徐景濂徐卿伯徐揚先汪慶百等俱作速催補來到任

以楊維垣薦之也

原任長史石三畏原任知縣熊江別如綸俱准考選

崔呈秀疏荐張鶴鳴申用懋王永光許宏

網商周祚等又言石三畏枉遭擯斥熊江  
別如綸皆英才卓品以惡忤詩教而波及  
江以惡阮大鋮而外轉如綸云  
刑部侍郎王之寀革職爲民當差

楊維垣首翻挺擊一案疏言張差風癩之  
眞卽碎之寀之首不足贖其罪且謂李可  
灼特之之寀而之寀特偶幸之李可灼此  
疏最爲

荆駢逸史

劉復錄上

重

妄蓋翻案之作備云

宣府巡撫徐良彥降調

以崔呈秀叅之有旨降三級調外任用

令京堂自陳請旨去留

以崔呈秀條陳也時逆豎蓄謀叵測故呈  
秀畫此策爲一網之計而善類如掃矣

總理河道尙書朱光祚回籍

駙馬都尉李承恩着鎮撫打問

以魏忠賢誣之也此爲鎮撫打問之始故書之

原任南京光祿寺卿周汝登致仕

以毛一鷺爲應天巡撫

一鷺在蘇州時約織監李實同謀害正實遂誣奏高攀龍周起元周順昌黃尊素李應昇周宗建繆昌期俱披提問緹騎至蘇州爲民所擊毛一鷺疏挑瑯怒復殺倡義

荆駝逸史

劉復錄上

一

五人或曰鷺在家居廳上忽見有索命者遂病至死蜎縮纔如小兒蓋陰力誅之也○一鷺巡撫時或夜粘對聯於軍門鼓上曰拔一毛一毛不肯殺一鷺一路太平

岳和聲劉繩祖余文縉優叙

以崔呈秀薦之也疏內並劾袁化中以元兇之門生故吏叅論三臣有旨和聲等優叙袁化中已有旨處分了○和聲撫順天

魏忠賢呼爲岳三哥着他在我家來做官

三月

御史周宗建張愼言俱削奪仍行撫按提問  
追贖具奏御史黃尊素李應昇俱削奪參政  
沈萃禎知縣吳煥俱降三級御史安伸以原  
官起用

以曹欽程參之也欽程疏大畧謂宗建愼  
言尊素應昇甘作趙南星之鷹犬爲魏大

荆駢逸史

剝復錄上

三七

中之爪牙吳煥素附東林萃禎神通變化  
又稱羣臣之中披肝瀝膽無慙傅櫬之骨  
鯁者僅有陳九疇李魯生張誦李蕃周昌  
晉李恒茂梁夢環張惟一顧其仁數臣而  
已奉旨這本說的是周宗建作令賄聞反  
鑽入言路薦庇多私引其黨沈萃禎以貪  
愼躡致參藩又欲引吳煥爲接手至倡建  
私學於都城之內尤屬不法愼言係薦趙

南星爲首功避差任意鴟張伺臺安伸竟  
遭毒手先任曹縣侵盜庫銀三千兩恨後  
任石三畏查出遂捏單劣處王官李應昇  
專爲東林護法排擠正人亟引高攀龍以  
四年前一典史驟躋總憲遂恃奧援欲攘  
北直提學黃尊素以汪文言倖冒台班卽  
薦座師鄒維璉於趙南星破例得入吏部  
一味搏擊善類以助高攀龍魏大中之虐

荆駝逸史

劉復錄上

三

罔此四臣者招權納賄黨邪徇私目無國  
憲都着革了職爲民當差仍追奪諾命內  
周宗建

慎言賍私狼籍行彼處撫按提問追賍具  
奏不許庇護沈萃補吳煥俱着降三級安  
伸仍以原起用

欽程殺人甚多璫最醜愛後恃寵放恣璫  
復惡之及被劾斥歸詣璫叩頭抱膝痛哭

曰願無忘父子誼璫雖憐之而卒不復收  
野臣曰豫章理學節義之鄉卽有異  
類未有敢蒙面喪心狂噬不顧如欽  
程是舉之甚者也東南縉紳之禍始  
於傳槐成於欽程西治殆不幸有此  
二人哉時欽程號爲五狗之一後欽  
程鄉赴西曹或見其形變爲猪然而  
跡其所爲則又狗彘不食其餘者矣

荆駝逸史

剝復錄上

三

原任巡撫鄧漾降調何棟如緹騎逮問  
以給事楊炳參之也

御史劉樸黃公輔涂世業萬言揚知縣盧化  
鰲俱削奪

以霍維華參之也

御史喬承詔錯舉解經刑降調

尙寶司卿姜志禮加太常卿致仕

戶部侍郎陳所學加尙書致仕

太僕寺卿黃龍光自陳致仕

原任諭德張鼐削奪

內閣推補纂修實錄姓名有張鼐名奉旨

革職爲民追奪誥命

巡撫甘肅李若星削奪

以許顯純打問汪文言扳誣也

御史游士任緹騎逮問操江都御史熊明遇

革職聽勘

荆駢逸史

剝復錄上

三

以薛國觀參明遇黨救士任也

太常寺卿侯執蒲自陳致仕

魏廣微謂其爲東林尖也

太常寺卿吳士琦陳屏南自陳致仕

以何熊祥爲南京吏部尙書

陪熊祥者王在晉也

以王永光爲南京兵部尙書

陪王永光者張鶴鳴也

以文球爲戎政侍郎

陪球者徐紹吉也

以薛貞爲刑部侍郎

以董可威爲工部添註侍郎

陪可威者胡世賞也

以唐世濟爲刑部右侍郎

世濟素有清望崇禎八年以薦逆案霍維

華而敗

荆駢逸史

剝復錄上

三

以申用懋爲順天巡撫

陪用懋者張至發也至發終逆璫之世不

肯出

以張曉爲宣府巡撫

陪曉者王家禎也二人後俱頌璫

范濟世岳駿聲俞維宇俱准原官起用

以王大年薦之也

以王惟儉爲南京兵部侍郎

陪惟儉者朱一桂也

以傅振商爲南贛巡撫

陪振商者范濟世也振商曾有頌瑞疏

以閔夢得爲偏沅巡撫

陪夢得者張九德也

以魏濬爲湖廣巡撫

四月

原任尙書趙南星等俱削秩提問

荆疏逸史

剝復錄上

三

以許顯純打問汪文言許念敬扳誣之也

有旨楊鎬熊廷弼既失封疆又公行賄賂

以希倖脫楊漣左光斗袁化中魏大中周

朝瑞顧大章俱着錦衣衛差的當官旂扭

解來京同汪文言一併究問追贓其本內

受贓各官趙南星等十五人除已經削籍

外俱削了籍着撫按提問追贓具奏不許

徇情該部知道○汪文言招出趙南星鄧

漢毛士龍王之象李若星鄒維璉惠世揚  
繆昌期施天德黃龍光徐良彥錢士晉熊  
明遇黃正賓盧化鰲許念敬招出傅淑訓  
盛世承逆黨欲殺諸臣而無賊故捏出封  
疆一案

浙江巡撫王洽閒任

以李應公參之也

甘肅巡撫宋槃致仕回籍

荆駝逸史

劉復錄上

以袁鯨參之也

光祿寺丞吳良輔回籍

通政司彭端吾自陳致仕

監生楊維休革去衣巾泰昌日錄板毀王之

案治罪

以霍維華論之也維華有三朝慈孝無間  
一代實錄當確謹剖邪黨誣賊之實以備

信史事疏詞近數千言大畧謂東林標門

戶之幟聖世見元黃之戰借題污巖宮庭  
虧損聖德云云奉旨本內說張差風癩逼  
眞至於移宮進藥情形尤朕所目覩劉一  
燦黨邪害正韓爌庇護元兇孫愼行借題  
修怨張問達周嘉謨私改旨意朋比爲奸  
本當削籍念係輔弼股肱之臣姑不深究  
孫愼行暨監生楊維休私刻板行著撫按  
追去立毀維休革去衣巾仍將此本宣付

荆駝逸史

劉復錄上

卷一

史館從實紀載其修成皇考實錄另行改  
正王之案誣陷騙官併楊漣左光斗逮至  
追贓一體治罪范濟世王志道汪慶百劉  
廷元徐景濂郭如楚張捷當狂瀾卽倒之  
時有挺持不移之節濟世候巡撫缺用志  
道等六員升太常太僕少卿添註用唐嗣  
美岳駿聲曾道唯守正致排嗣美候起服  
仍以左布政用駿聲二員卽與推用李可

灼免戍回籍○後丁卯楊維垣倡發訪之  
議以引邪沮正可灼得列各冊內而孫慎  
行不與

野臣曰此伏三朝要典之根也疏中  
朋黨後宮巧脫大逆且欲治劉一燝  
等之罪其言譁張悖惡敢於殺人維  
華之罪通天矣

初維華以給事例轉秦臬外艱家居楊左

荆駮逸史

剝復錄上

三

正在事維華屢使家僕吳興東秦記魏璫  
謀令翻局楊左罷維華起用以審工部商  
人失璫意移疾歸崔呈秀吳淳夫既柄用  
薦之復起維華之內有爲璫甥孫者刺因  
稱愚孫甥婿天下笑之七年八月見璫局  
將敗持公封讓子廕趨時轉局若猛獸驚  
鳥之發雖維垣猶不及也

以孟紹虞爲禮部尙書

左庶子葉燦光祿寺卿錢春按察使張光緒  
俱削奪

以門克新參之也因論熊廷弼而及之

原任兵部侍郎劉曰梧在籍調理

南太僕侍卿徐夢麟閒住

以盧承欽參之也時并參孫居相居相已  
處夢麟閒住

原任吏科都給事中劉宏化削奪南太僕寺

荆駝逸史

劉復錄上

美

少卿吳炯致仕

以石三畏參之也

大理寺少卿方大任在籍調理

總督兩廣何士晉削奪

以虞廷陞參之也有旨養馬當差

錦衣衛指揮趙昌允太僕寺少卿劉惟忠俱

革職

原任吏部尙書張問達姑着冠帶閒住周嘉

謨削奪

以周維持參之也

原任大學士劉一燝削奪

以葉有聲參之也

原任左都御史高攀龍削奪

以游鳳翔參之也攀龍後被逮沉淵鳳翔  
蓋造意殺之者

兵科給事中杜三策回籍

荆駢逸史

劉復錄上

三

原任御史方震孺削奪仍着緹騎逮治

以郭興治參之也謂其黨護熊廷弼失陷

封疆

原任兵部郎中方孔炤削奪

以顧宗孟參之也有旨養馬當差宗孟蓋

吳門之別調矣

御史潘汝禎卽與推用

以李應公薦之也疏薦汝禎而劾顧大章

以徐紹吉爲戶部侍郎

陪紹吉者蘇茂相也茂相先爲巡撫丁憂歸薦方面有司各官趙南星爲總憲駁之曰茂相草土中猶作駢麗語閒謝薦之禮或百或千意在斯乎識者傳而笑之

以王之臣爲薊遼總督

陪之臣者喻安性也

以王家禎爲甘肅巡撫

荆馳逸史

劉復錄上

三

陪家禎者王璵也

以尹同臯爲四川巡撫

同臯與魏廣微同窻又與馮銓同門山右正人棄之戊辰爲御史汪應元劾歸服未闕復夤緣錦衣衛張道濬囑王永光起兩

廣總督

以呂純如爲山東巡撫

陪純如者潘濟也

以王之采爲兵部侍郎

此北直人又一之采也

以范濟世爲南操江僉都御史

濟世在南操江搜括助逮不遺餘力

以王瑊爲僉都御史巡撫貴州

阮大鍼准起陞京堂余大成准起職方司郎

中

以葉有聲薦之也內稱大鍼曾發一璟私

荆駮逸史

剝復錄上

堯

書故一璟得罪

王業浩准復原官

以蘇兆先薦之也

五月

原任刑部侍郎王之采撫按追贓充餉

以岳駿聲參之也駿聲爲梃擊一案頌寬

其言悖逆之極

太常寺卿程註削奪

以王時英參之也參其黨趙南星李三才而傾陷吳殿邦得旨削籍爲民養馬當差追奪誥命

少詹錢謙益兵部主事沈正宗俱削奪

以陳以瑞參之也以瑞以科場關節叅謙益崇禎元年謙益竟以此爲溫體仁所持跟踉去國

大理寺少卿韋蕃回籍

荆駢逸史

剝復錄上

早

蕃以龍陽詆馮銓故潘士聞叅之士聞銓門生也

兵部尙書趙彥回籍總兵蕭如薰革任

以立默叅之也如薰爲李三才親家故不免

尙寶少卿曠鳴鸞陳所聞俱降調

以莊謙叅之也

禮部主事荆養喬工部主事惠承芳俱閒任

以黃承昊參之承芳惠世揚之父也

禮部尙書翁正春回籍

以袁鯨參之也

刑部侍郎饒伸終養

南京太常寺卿陳幼學致仕

以杜齊芳參之也

太常寺少卿等官甄淑削奪張光房閒住

禮部尙書王圖閒住

荆駢逸史

剝復錄上

星

以程序參之也謂其爲門戶渠魁

兵部主事段然削奪

以楊文岳參之也

禮部侍郎徐光啟閒住原任吏部員外馮時

來削奪

以智鋌參之也

工部尙書白所知回籍

姚祚端邸存性俱復原官

以黃承昊薦之也存性作命以貪橫被察者

以喬應甲爲副都御史巡撫陝西

王紹徽素恨馮從吾以應甲撫陝欲其殺從吾也從吾爲應甲所挫辱鬱鬱而死應甲并誣前撫孫居相賍私問遣○應甲撫陝貪彼非人類其黨復倒戈攻之

以薛貞爲刑部右侍郎斬于中爲添註右侍

荆駝逸史

剝復錄上

望

郎二人俱以內批得之

以高第爲兵部尙書

內意屬第故屢推得之

六月

光祿寺卿等官周延光蔡夢麟俱分別議處

以陳睿謨參之也

太僕寺卿孟習孔趙健俱閒住

以卓邁叅之也

巡撫直隸御史宋師襄降調

以地方人材薦盛以宏也

府丞陳一元革任

以余文燿參之也并參葉向高欲行削奪

巡撫延綏翟鳳冲革職聽勘

以汪若極參之也

禮部尙書蕭雲舉回籍

原任給事麻僖革職聽勘

荆駮逸史

劉復錄上

以陳世峻參之也

兵部侍郎張鳳翔削奪并削子廕

以陳朝輔參之也

太僕寺少卿濮中王自陳致仕

廣東巡按胡良機削奪

大學士朱延禧回籍

簡討姚希孟削奪南京光祿寺卿游漢儒閒

任

以楊所修叅之也希孟後起用楊復有疏沮之

太僕寺卿金士衡回籍

以李燦然參之也

御史李喬崙陳必謙叅政張國紳俱削奪李

喬崙仍追奪諾命

以潘士聞參之也

叅政王維章削籍

荆駝逸史

劉復錄上

四

以倪文煥參之也

直隸高陽縣知縣唐紹堯緹騎逮治

以太監韓世能參之也紹堯下法司追比

先後責一百八十板而下手者姚誠立也

巡撫鄖陽畢懋康原任禮部尙書李騰芳俱

削奪

以王際達參之也

大理寺丞劉思誨兵科給事中胡永順俱降

調

以申救唐紹堯事也

原任禮部尙書王圖巡撫保定程正己光祿寺丞趙昌運彭遵古俱削奪

以田一甲參之也一甲自陳得以京堂陞用而參疏中盛言邵輔忠之忠李三才門戶之惡

吏部主事劉行義革職王任杰閒任

荆駢逸史

劉復錄上

墨

以周維持參之也

總督倉廩侍郎畢懋良致仕

原任太僕寺卿陸彥章致仕

沈演候府尹用王雅量以原官起用

演在福建曾搜括庫銀十五萬助工

以胡世賞爲刑部右侍郎

陪世賞者杜士全也

以王紹徽爲副都御史

陪紹徽者薛鳳翔也

以張九德爲副都御史巡撫延綏

以郝名官爲南京兵部左侍郎

陪名官者杜士全也

以潘濬爲左僉都御史

陪濬者毛堪也終瑞世未起

以唐世濟爲兵部右侍郎

以黃運泰爲戶部左侍郎兼右僉都御史督

荆駢逸史

劉復錄上

異

餉天津

陪運泰者史永安也

以李若珪爲右僉都御史

若珪一日換赤金千兩人謂其得巡撫亦

不易矣

七月

原任左副都御史等官楊漣等着鎮撫司逐

日追比

時閣臣魏廣微揭稱今日文書官傳上旨  
鎮撫司打過楊漣等贓着臣票擬逐日嚴  
刑追比五日一面奏完日送法司擬罪不  
勝驚愕臣自辦事閣中實未見此旨念漣  
等今爲有罪之人在前日實爲聖明之佐  
卽贓私是真轉發刑部猶議減免之條逐  
日嚴刑死直須臾耳忠賢怒之後於八月  
十二日降諭切責畧曰朕自去歲屏逐寇

荆駢逸史

劉復錄上

聖

邪靡清朝寧勵精圖治雅意中興秉軸大  
臣莫有爲朕分憂共念者卽如楊漣左光  
斗移宮一事背先帝之深恩陷朕躬於不  
孝又熊廷弼等喪遼辱國一案寸斬尙有  
餘辜而楊漣左光斗等受其重賄巧爲出  
脫此皆天地不容神人共憤而在朝文武  
持祿養交徇私避禍但顧子孫之計不圖

社稷之安朕方率循舊章而曰朝政日亂

朕方祖述堯舜而曰大不相侔以致言官  
承望風旨緘口結舌無敢直明其罪者今  
宜改過自新共維國是敢有陰懷觀望暗  
弄機關巧借題目代人報復或捏寫飛言  
希圖翻案者朕按祖宗所立紅牌之律俱  
置以說謊欺君之罪必不食言其楊漣等  
三人生爲貪婪之賊臣死爲不忠之逆鬼  
今雖在獄身故而戕害忠良惡類尙存候

追贓完日明著爰書暴其罪狀布告遠邇  
昭著私冊垂示將來以爲萬世人臣不忠  
之戒云云○內朝政日亂大不相侔者政  
引廣微揭中語也諭出廣微大懼挾同官  
顧秉謙曰向者公將獲罪以我故得釋今  
公不引手請俟之鬼門關矣秉謙爲委曲  
調解廣微復出吏部尙書崔景榮手札曰  
此景榮教我救楊漣等也忠賢意稍釋廣

微得引疾歸景榮竟削奪

野臣曰使廣微卽以此揭獲罪已無救於附內之惡矣而又巧排景何榮哉動人殺機而欲止人之殺此必不得之勢也悲夫

吏科右給事中孫紹統給假回籍

吏部尙書崔景榮回籍

原任兵部侍郎李邦華御史李日宣吏部員

荆駮逸史

劉復錄上

兪

外周順昌杜喬林俱削奪

以倪文煥參之也有旨李邦華東林高足而與李三才結爲死黨同姪李日宣狡計陰謀傾害善類周順昌竊附東林營入吏部貪橫異常讐逐朱童蒙不安其位厚結汪文言呼吸相通又與魏大中構黨同盟逮過姑蘇留連十日以女許婚目中尙知

有國法乎杜喬林改調署選惟賄是聞從

子杜世堯私藏菴觀收銀賣官鑿鑿有據  
都着削了籍爲民當差仍追奪諾命內有  
賊私狼籍的還着撫按究問追贓充餉其  
私創書院匾額雖去碑記猶存着禮部卽  
時毀碎回奏以爲植黨聚徒之戒該部院  
知道○文煥以責九門軍失璫意遂結崔  
呈秀爲介紹投拜義子此疏其贄也內參  
周順昌贓至壓沉數舟可謂良心死盡矣  
御史李元回籍

荆駢逸史

劉復錄上

五

楊漣左光斗俱卒於獄仍行撫按嚴提家屬  
追比

野臣曰時獄者許顯純也諸臣凡卒  
獄者其死甚慘蓋有不忍書者矣

太僕寺等官韓策汪先岸俱削奪

以袁鯨叅之也○鯨曾有疏參王紹徽故

逆案得漏

原任大學士韓爌削奪

以李魯生參之也○爌負海內重望後崇禎二年起用不幸與奴變會幾致不測然其處分逆案不能仰承聖意天下猶有遺憾焉

原任尙書李三才等十五人已故者追奪諾命見存者俱削奪

以石三畏參之也內稱邪臣十五人爲李

荆駝逸史

劉復錄上

至

三才顧憲成王圖孫丕揚曹于汴胡忻王元翰土淑忭湯北京王宗賢趙南星張問達王允成涂一榛王象春此以正爲邪也又稱正臣十三人爲喬應甲劉國縉王紹徽許宏綱徐兆魁丁賓董可成李誌鄭繼芳徐兆吉韓浚趙士諤陳陞此以邪爲正也

魏大中卒於獄

御史石三畏薦孫朝肅王行健章光岳王宏祖報可

以朝肅先爲魏光緒所參行健曾爲王允成所參也

給事元默薦韓元善王所用報可

八月

李朴于玉立贈官俱追奪

以安伸參之也丙稱邵輔忠首發巨奸巨

荆駝逸史

劉復錄上

五

奸者李三才也

翰林院編修侯恪回籍

以智鋌叅之也爲魏大中姚希孟繆昌期

死黨也

東林關中江右嶽州書院俱行拆毀變價助工○原任左都御史鄒元標追奪生前官爵誥命○原任尙書孫慎行余懋衡馮從吾俱削奪○原任侍郎鄭三俊畢懋良俱閒住

以張訥參之也得旨這都城書院改作忠  
臣祠久已有旨會議如何至今尙未具覆  
其東林關中江右徽州一切書院俱着拆  
毀暨田土房屋在價變賣催解助工本內  
有名如鄒元標少負忠名出山潦倒其身  
雖死已久然巨惡依勢餘虐尙存着削了  
籍追奪諾命外如孫慎行馮從吾余懋衡  
名雖假乎理學行無異於市井或通關節

荆駝逸史

剝復錄上

五

而居之不疑或躬窩主而醜然無耻甚至  
假仙惑世吞產謀讀之令人髮指此三員  
都着削了籍爲民仍追奪諾命鄭三俊畢  
懋良附羶逐穢合汚同流姑着准冠帶閒  
住河東巡鹽御史既例不入陝矣以會講  
而入糜費公私俟回道時都察院考覈示  
懲該部知道○訥所指鹽臣李日宣也時  
劉徽巡鹽河東大懼因出疏自明倒身事

瑞大獲寵倖云

袁化中卒於獄

光祿寺卿周延光降用南京太常寺少卿蔡

夢林致仕

以陳睿謨叅之也

高陽縣知縣唐紹堯遣戍

熊廷弼棄市

時二十五日也諭內閣我皇祖特起熊廷

判駢逸史

劉復錄上

善

弼於田間授以經畧賜以尙方錫之麟王  
寵極人臣義當盡瘁乃廷弼欺朕卽位之  
初托病卸担薦袁應泰而遼亡旣則剛愎  
不仁望風先逃而河西失當是之時不知  
費國家幾百萬金錢喪軍民幾百萬性命  
而徵兵西蜀則西蜀變風聞山東則山東  
亂至今默中尙岌岌未寧斯其罪難以擢  
髮數迨三尺莫逃百計鑽求其最甚者則

有周朝瑞十日四疏申救有顧大章妄謂  
罪屬可矜而又託奸徒汪文言內探消息  
外入楊漣左光斗之幕囑令貽書求解諸  
奸受賄動以萬千安問祖宗疆土法度哉  
朕深痛恨已將楊漣等置之於理頃八月  
二十一日於文華殿日講畢卿等五員面  
獻刊行有像遼東傳一冊出諸袖中合詞  
奏曰此熊廷弼所以掩飾誇功希圖脫罪

荆駮逸史

剝復錄上

五

二

朕親覽之豎髮切齒况屢經言官郭興治  
門克新石三畏周洪謨等形於章疏宜亟  
加兩觀之誅庶大快萬民之憤卿等可卽  
傳示刑部等衙門着便會官決了以爲人  
臣辱國偷生罔上不忠之戒○先是忠賢  
出刊書一冊示閣臣曰廷弼卽議處決閣  
臣商度日中不決黃立極曰此不過夜半  
片紙卽可了當矣從之廷弼旣斬函首九

邊棄漏澤國

野臣曰熊廷弼之起撫遼東也時萬  
歷戊午簡討丁紹軾有疏論之遂相  
失至丁方拜相而時有是事於時論  
者皆謂熊之死丁爲之也然丁則謂  
遼東傳實馮銓所作其出諸袖中者  
馮一人也夫熊罪應死固矣要自有  
應得之律而加以謀反誣以通賄借

荆駝逸史

剝復錄上

美

封疆一案以殺諸君子此實何哉未  
幾丁亦暴卒而傳者遂有田蚡灌夫  
之說事卽不足信然亦異矣

周朝瑞卒於獄

以薛三省爲吏部左侍郎

陪三省者駱從宇也

以王紹徽爲倉場總督

陪紹徽者薛鳳翔也

以王祚遠爲國子監祭酒

陪祚遠者曾楚卿也

周如盤黃立極馮銓丁紹軾俱入閣辦事  
時枚卜爲周如盤彭凌霄林堯俞黃立極  
駱從宇薛三省馮銓錢龍錫丁紹軾李宗  
延奉旨點用其四而首輔則顧秉謙也秉  
謙見魏忠賢曾捻鬚云欲自爲兒恨鬚已  
白因命其子拜爲孫忠賢賞銀二百兩

荆駢逸史

剝復錄上

五

野臣曰自涿州相而要典作黨籍成  
士大夫之禍遂不可解然余嘗聞丁  
與馮勃溪之故矣丁有家書予曾見  
之謂馮必欲刻黨人籍而輔臣顧秉  
謙等皆以爲然丁爭之曰今得第者  
刻同年錄其子孫猶相認數世若黨  
籍成是爲黨人子孫作世譜矣事翻  
覆不可知我輩數人受奕世不解之

怨公不自計獨不爲子孫慮乎顧聞  
而事寢今世傳者有天鑒錄東林點  
將諸書當時所爲黨籍想亦皆此類  
書雖未刻然而京惇之意固路人知  
之矣

以王紹徽爲都察院左都御史

紹徽撰東林點將錄與逆璫謀害諸君子  
以徐大化爲左副都御史

荆駮逸史

劉復錄上

一

凡魏璫一切殺人事皆徐導之自此後爲  
益橫矣

起蘇茂相爲南京刑部右侍郎

時吳崇禮亦起南京刑部尙書

朱一桂李養質量加陞擢示詩教起用

以李嵩薦之也疏內并薦牟志夔

九月

御史吳之仁閒住

大理寺卿曹珍閒任

以潘士聞參之也

戶部主事關先閒任

兵科給事中吳國華削奪

以其疏參曹欽程也

原任侍郎孫居相及史記事俱削奪

以屢廷陛參之也謂居相奉李三才爲盟

主結史記事爲死友

刑駢逸史

劉復錄上

五

原任侍郎孫居相撫按提問原任巡撫梅之  
煥削奪

以陳序參之也謂居相身賣東林賄膺節  
鉞楊漣過麻城之煥與之盤桓流涕然楊  
赴逮時實未經麻城也之煥素留心東林  
者

原任巡撫楊鶴御史江秉謙夏之令俱削奪  
以卓邁叅之也謂其皆薦熊廷弼者

總河侍郎南居益削奪

以黃承昊參之也承昊素與居益游竟忍操戈後復同朝李邦華引承昊登門謝罪李承昊之座主也

原任吏部尚書崔景榮削奪原任御史夏之令緹騎逮治戶部主事李孔度削奪中書吳之瑞吳世科俱鎮撫究問以倪文煥參之也

荆駢逸史

劉復錄上

本

顧大章卒於獄

大章之死實楊維垣殺之而主謀者徐大化也大化曾遣人求婚大章不應復從法司提下鎮撫斃杖下

原任編修侯恪給事中解學龍俱削奪

以智鋌叅之也疏意出李思誠李解之母舅也

南京尚寶司卿傅宗臯閒住

原任兵部侍郎李瑾給事中劉懋俱削奪

以趙允昌參之也

原任大理寺少卿惠世揚緹騎逮治將刑部  
鍛鍊楊左諸疏宣付史館

以李養正覆審誣之也

兵部侍郎王國禎削奪

以李燦然參之也

原任兵部侍郎岳元聲削奪副使余新民知

荆駮逸史

劉復錄上

府陳子堯俱議處

以徐復陽參之也

大理寺正卿王佐聞住

以李思誠爲禮部左侍郎

陪思誠者來宗道也

以駱從宇爲禮部右侍郎

陪從宇者施鳳來也

以薛三省爲禮部尙書

陪三省者周炳謨也

以蕪茂相爲戶部侍郎總督漕運

工科給事中虞廷陛薦邵輔忠姚宗文元詩  
教趙與邦何熊祥王永光徐必達陳陞何早  
錢象坤岳元聲潘汝禎過庭訓許宏綱王伉  
孫國禎李夔龍李徵儀報可

疏稱李夔龍首緝汪文言之奸李徵儀同  
發于玉立之奸

荆駝逸史

剝復錄上

奎

御史張素養薦劉廷元姚宗文邵輔忠許宏  
綱報可

素養按浙江薦廷元等爲趙南星所劾降  
行人司副再入臺班復薦之

御史卓邁薦姚宗文邵輔忠蘇炎宗中林一  
柱報可

炎一柱皆閩人也合中爲巡漕例轉以五  
百金賄崔呈秀復得入臺班

起姚宗文爲太常寺少卿邵輔忠爲順天府丞元詩教爲吏科給事李徵儀爲湖廣道御史

以李嵩蔡國俊薦之也

御史倪文煥薦邵輔忠劉廷元盧謙報可起吏科給事中趙興邦江西道御史牟志夔閻鳴泰曹守劉勳澤深俱下吏部酌用

以智銚薦之也

判駢逸史

劉復錄上

十月

原任尙寶卿傅宗臯削奪

以王珙參之也

兵部侍郎等官劉策陸完學楊一鵬朱世守俱削奪

以潘汝禎參之也疏稱惠世揚之惡趙南

星之奸

兵部主事徐日久削奪

原任巡撫梅之煥撫按提問原任太常寺少卿陳所聞削奪

以梁克順參之也

御史王雅量薦萬崇德孫國禎王伉徐從治報可

丙并請焚李卓吾諸書

以李從心爲工部尙書總督河道

從心爲總河時有縣令魏廣德者廣微弟

荆駢逸史

劉復翁上

齋

也每有關說輒傳軍門鼓從心肅而迎之嘗一日三擊鼓云

以潘濟爲南京刑部侍郎

以高第爲遼東經畧

上宣第至文華殿賜蟒衣玉帶彩綢表裏

銀四十兩先曾推者爲王之臣王之采闈

鳴泰劉遵憲俱奉旨另推又推高第王在

晉張鶴鳴文球乃用第

御史賈繼春薦謝啟光倪思輝郭允厚李春  
燧史孔吉李際明報可

以薛貞爲倉塲總督

陪貞者扶克儉也後倉塲火貞疏稱忠賢  
有救護功大臣頌璫自貞始

以謝啟光爲左僉都御史

陪啟光者馮三元也啟光往來王紹徽馮  
銓之門爲之傳語時稱紅娘寄柬

荆駢逸史

劉復錄上

壹

以王之采爲陝西總督

陪之采者劉貞憲也之采任總督建瑞祠  
事敗乃與史永安互疏推卸天下笑之

以王永光爲兵部尙書劉遵憲陞兵部左侍  
郎閻鳴陞兵部右侍郎扶克儉陞刑部左侍  
郎

克儉後謝歸以闕破家

以李思誠爲吏部右侍郎

陪思誠者徐兆魁也

黃儒炳改吏部左侍郎

儒炳貌猙甚人有盧杞之號

以朱一桂爲刑部右侍郎

陪一桂者倪思蕙也

以許宏綱爲南京兵部尙書

陪宏綱者馮嘉會也

十一月

荆駝逸史

劉復錄上

矣

原任兵科給事中胡永順御史易應昌房可壯通判歐陽勝俱削奪

以胡芳桂參之也

翰林院編修陳子壯并其父吏科給事中陳熙昌俱削奪

時欲以都垣予元詩教故逐陳而并及其子

揚州府知府劉鐸扭解來京

以錦衣衛緝獲妖僧本福扇頭有鐸詩謗  
訕時政也

大理寺丞張潑徐如翰俱削奪

以梁夢環叅之也

原任浙江巡撫劉可法吏部郎中唐暉俱削  
奪

以王英時叅之也

工部侍郎王維儉聞任尙寶司卿王孟震俱

削奪

荆駢逸史  
劉復錄上

奎

以田景新叅之也

副使陳鏞同知徐日升俱削奪

以彭參叅之也

兵部侍郎蕭近高原任刑部尙書等官喬允  
升馬之服俱聞任原任知州汪心淵等作速  
提問

以薛國觀叅之也

登萊巡撫武之望調用知州王國泰削奪  
以袁鯨參之也

太常寺少卿莊欽隣太僕寺少卿孫之益俱  
削奪

以李恒茂參之也

副使樊王家削奪撫按提問

以吳殿邦參之也

張慎言周宗建賍銀追完速解

荆駝逸史

劉復錄上

卷二

刑部病故囚犯疏奉旨沈有瑞欠賍銀一  
萬七千兩着行原籍查追伊子解部監比  
朕覽斯奏因憶張慎言周宗建提問追賍  
奉旨將近一載如何不見遵行地方官好  
生違玩併着追完速解

劉志選二疏宣付史館

大畧爲紅丸一案翻案內稱首輔臣葉向  
高有無將之心宗伯孫慎行罪不容於死

孫杰陞大理寺左少卿

經畧高第薦田吉爲贊畫報可

唐世濟陞兵部左侍郎袁可立起兵部右侍郎

可立爲御史李喬崙等劾罷夤復起

以史永安巡撫寧夏

野臣曰永安死守貴陽一年卒全其節時共稱之迨撫寧夏乃爲逆璫建

荆駝逸史

劉復錄上

堯

祠此所謂簞食豆羹不屑而受無禮義之萬鍾者也夫生死之際易決而富貴之心難冷詎不信哉

敬禎兩朝剝復錄卷上終

